



MIRNGUIQSIRVIIT

NUNAVUT PARKS ᐃᑦᑕᑦᑎᑦᑕᑦᑎᑦᑕᑦᑎᑦᑕᑦᑎᑦᑕ PARCS NUNAVUT



Nunavumi Pulaakatakviit ovalo Nutaat Nunait – Taiguaktakbat

Januarymi, 2008

SOPER INUUVIVINIIT KUUGAIT



Takiyut hungauyat mikhaanut taavyaktut-hungauyat avataanik uyagait, Soper Kuugait kuviyuk iluanut Meta Incognita Nuvuani, nigiyagani Qikiqtaaluk. Ataani, kuugait imaiyaktut Soper Tahianut ovalo talvanga, iluanut Pleasant Kangikhuanut Hudson Strait tagiungani.

Inuit taivaktaa kuugak *Kuujuuaq*, angiyuumat ovalo autlaakhimayait iluani hamna piniktuk nunait ukiugaalumi. Kablunaatitut atikhimayuk Soper Kuugait, ilitagivlugu J. Dewey Soper, nunanik ihivgiukti, kinikhiahimapluni ihivgiukhimayuk kaangani Meta Incognita Nuvua ovalo nunait haniani kuugait atikhimayait inminik.

Amigaitut nunauyat nunaini ikayuktut amigaitunik tuktunik ovalo nunait hivuliunginaktut umayukhiukviit Inuit. Ikipinagiyaumat umayukhiugutainik ovalo

autlaagutainik Inuit ukiugaalumi, inminik pinigutait ovalo amigaitut umayut ovalo tingmiat ovalo amigaitut olapkivikhait pilaaktait, Soper tikuaktauhimayuk Kanatami Inuuviviniit Kuugait 1992mi. Kanatami Inuuviviniit Kuugait Pilihimayuit Kantami kuugait tamaktitailigiit pilihimayuit ovalo tuhaktitiyait, munagiyait ovalo pipkaiyait Kantami hivuliit kuugait.

Anginikhaanga 2/3 kuugait kuviyut iluanut **Katannilik Nunavumi Pulaakatakvik**, hanahimayut tikuaktauamat Soper. Inuktitut ukautaa “*Katannilik*” ukaktut “amigaitulikamata Kugluinik” ovalo ukaktut amigaitut kugluit kataktiktut nunaini iluanut Soper nunait. Itijjagiq Apkotauyait, inuuviviniit autlaakviit iluanut Soper Kuugait nunaini ovalo ikaanut Meta Incognita Nuvuanut, ublumi skiiktut, skidooktut, kingmikut ovalo pihuktut auyami ovalo Inuit umayukhiuktut ovalo autlaaktut kitkanit Kimmirut ovalo Iqaluit.



Nunat ataani Soper munagiyaayut anugimit ovalo ikayuktaayut amigaitunik nunauyanik ovalo angiyut napaaktuvaluit, angiyut 3mi metres ovalo angilivaktut kilamik, ilanganit napaaktuvaluit kitkani Albertami. Kitkani auyami, nunauyat pinikhivaktut ovalo paungat pilaaliktut kitkani Augustmi. Septembermi, nunat kalait aalangukpaktut ukiakhagaagami.

Umayunik kungiagiagani nakuutiaktuk; tuktut takulaaktut tamaat ukiumi, ovalo tigiganiat, okaliit ovalo avingait. Amagot ovalo nanuit takulaaktut ilaani, taimaimat, nalungitjutikhait nanuit aniktailigiyyit ovalo nutkagutikhainik pikaktukhat. Ilangit 40nik aalatkiit tingmiat takuyauvaktut pulaakatakvimimi ovalo auyami nakuutiaktut takuyaangani akilginik, kaalaanik, itigaliinik, okpiit ovalo imamik tingmiat, ilangit tuuliit ovalo maligiit, niklikniit ovalo iniktiligaagat auyami nuutiligiyyit kanguit. Mikiyyut kupanut hinaani amigaitutlu – kupanuat ovalo amigaitut aalatkiit kupanuat. Hinaaniit kupanuat tahiani ovalo hinaani imaiyautait ovalo tuhalaaktait golden plover tuhalaaktut kaiktuni. Imitkutailat ivavaktut uyagaliamik hinaani kuugait ovalo murren ovalo black guillemots takulaakut tagiungani Kimmirut.

Inuit taivaktait hamna kuugait Kuujuaq, “angiyuumat kuugak” ovalo autlaakhimanmagit iluanik inminiituk nunait ukiugaalumi.

Nigiagani, kuugait kuviyut kaangani Soper Kugluit iluanut Soper Tahianut. Iluani kuugait pikaktut uyakanik, takukhauyut tuktut tumiit maklumi, nutaat hikugaaluit nunaliukhimayut, piniktut nunauyait ovalo amigaitut aalat. Nunauyaliuktut aliagilaaktait amigaitut nunauyat, uyakat iluani umayuvaluliit ovalo aalatkiit uyakat, lapis lazuli, marble, mica, graphite, umayuvaluliit uyakat ovalo garnet. Mica ovalo lapis lazulis nalvaalaaktut nunaini Inuit Inminiigutait Nunait, iluani pulaakatakviit keeliniit ovalo apigiyukhat itigiagani.

Kimmirutmi, nani Soper Tahia imaiyaktuk tagiumut, “utiktiyumik kugluit” tagiumit imalikpaktuk tahiiit. Hamani 10mi metre imaiyakiit Pleasant Kangikhanut, pipkaivaktait utiktiyunik imaukagutainik ovalo tagiumit imait kuvivaktut Soper Tahianut, Inuktitut taivaktuk; *Tasiujajuaq*. Munagilutit kayaktuguvit hamani nani kilamik imaiyayuktuk ovaluniit imahayuktuk.

INUUVIVINIIT OVALO IKAYUGUTIKHAIT

Kimmirutmi, Katannilik Pulaakatakvik Havakviit ovalo Soper Ikluu Kungiakviit iluaniituk Dewey Soper Ikluan, tunilaaktut ukautainik kungiaktakhait ovalo takuyakhait hanauyaktut, ukakatigilugit hanauyaktut ovalo nani niuvilaaktut hanauyakhimayunik, titigakuyakhimayunik ovalo aalanik nunaini hanauyakhimayut ovalo hananguakhimayut. Pulaakatakvik havaktiit ikayulaaktut pulaakatakvimimi ovalo ihuakhalaaktut akyaklugit ovaluniit ailugit pulaakatakvimimi.

Ikayulaaktutlu ihuakhaklugit Inuit ikluan hiniktalaalutik Kimmirutmi. Nutaak **Taqaiqsirvik Nunavumi Pulaakatakvik Hiniktakvik** tunilaakatut nakuuyumik nunami hiniktakvikhait.

Soper Kuugait Maligutikhait Makpigaak tunilaaktut tuhagutikhainik mikhaanut umayut ovalo nunait pulaakatakviit ovalo nakuuyumik kayaktugutikhait tuhagutikhainik mikhaanut kugluit, akyakvikhait, hiniktakviit, ayokhaktut iklukhait ovalo pulaakatakviit hanatjutait apkotaini, ovalo tuhagutikhait kanuk akyaktaulaaktut ovalo ailaaktut pulaakatakvimimi. Maligutikhait makpigaat pikaktut nunauyanik, tuhagutikhait takuyakhainik ovalo ukakhimayut titigagutainik. Nakuutiaktuk atugiagani autlaaguvit kuugaini. Aipaa maligutikhait makpigaat, *Itijjagiq Apkotauyait*, nakuutiaktuklu tahapkoa autlaagumayut iluanut pulaakatakviit.

AUTLAAGUTIKHAIT PULAAKATAKVIMI

Soper hiviliuyuk kuugait Nunavumi ovalo tikilaaktut Iqalunit. Angiyuk imauyaliit kuvivaktut tamaat auyami ovalo 50mik km kayaktulaaktut Julymit Septembermut. Ayonaituk kuugait, taimaimat kayaktulaaktut aalatkiinik kayanik atuklutik. Amigaitut aalatkiit kuugayait kuvivaktut nunainut, tunilaakhutik amigaitunik kugluinik, kaiktuit ovalo aalatkiit pilaakait, nakuuyuk talimanit 7nut ublunik autlaalugit Mt. Joy Kingituinit.

Kayaktuktut akyalaaktut kayakut Frobisher Kangikhuani kananaganut Katannilik Pulaakatakvik, nani pihuuyalaaktut Itijjagiq Apkotauyait kihimi, kayaktuktut tingmilaaktut inminik milviinut haniani Mt. Joy kingiktuit ovaluniit Livingstone Kugluit ovalo kayaktuklutik kuugait Kimmirumut. Ataani kuugait kayumiituk ovalo nakuuyuk, taimaimat, tingmilaaktut Kimmirumut nani atulaaktut kayanik ovalo hanalgutinik autlaagiagani ataani Soper. Munagiyit akyalaaktut kayaktuktunik Soper Kugluinut ovaluniit Falcon Kingiktuanut ovalo kayaktulaaktut ataani kangikhuani kuugait nani aiyaulaaktut ovalo akyaktaulutik kingiliit 3mi km Kimmirumut.

Autlaagiagani Soper ublumi atauhimik pilaituk. Paknaiyaklutik ayokhangiyaangani hilmik ovaluniit nanunik. Titigaktukhayutit Nunavumi Pulaakatakvimi autlaaktinatit. Atugiagani

ikayugutikhait munagiyit, havaktiit mikhitivaktait aniktailigiyit ovalo alianatkiyauniaktuk.

Ikayugutikhait paknaiyautikhainik autlaagutikhait ovaluniit takuyaangani tuhagutikhainik laisinsikatut mungiyit ikayuktut ovaluniit munagiyut pulaakatakvimi, takulugit Nunavumi Pulaaktiligiyit kagitauyakut takulvia: www.nunavutparks.com. Fonilaaktutlu Katannilik Pulaakatakvik Havakviit Kimmirumi ovaluniit Unikkaarvik Pulaakatakvik Havakviit Iqaluni, ikayuktauyaangani ovaluniit pitkutikhainik. Foniklugit Nunavumi Pulaaktiligiyit akiitumi: 1-866-NUNAVUT apigiyaangani Nunavumi Autlaagutikhait Paknaiyautikhait, katitikhimayut tamamik laisinsikatut mungiyit, hiniktakviit ovalo ikayugutikhait.



NUNAVUMI PULAAKATAKVIIT OVALO NUTAAT NUNAIT

☎ 867.975.7700 ☎ 867.975.7747

parks@gov.nu.ca

www.nunavutparks.com

KATANNILIK PULAAKATAKVIK HAVAKVIK (KIMMIRUT)

☎ 867.939.2416 ☎ 867.979.2406

katannilik@qiniq.com

NUNAVUMI PULAAKTILIGIYIT

☎ 866.NUN.AVUT ☎ 867.979.1261

(1.866.686.2888)

info@nunavuttourism.com

www.nunavuttourism.com

UNIKKAARVIK PULAAKATAKVIK HAVAKVIK (IQALUIT)

☎ 867.979.4636

KANATAMI INUUVIVINIIT KUUGAIT

☎ 819.994.2913

www.chrs.ca



